

II - ARABAKO LURRALDE HISTORIKOAREN TOKI ADMINISTRAZIOA

PEÑACERRADA-URIZAHARREKO UDALA

Udal jabari publikoaren erabilera pribatiboagatiko edo aprobetxamendu bereziagatiko tasak arautzen dituen ordenantzaren behin betiko onespena

Peñacerrada-Urizaharra udalerrian udal jabari publikoaren erabilera pribatiboagatiko edo aprobetxamendu bereziagatiko tasak arautzen dituen ordenantzaren hasierako onespeneraren erabakia, Udalbatzak 2023ko urriaren 10ean egindako osoko bilkuran hartutakoa, jendaurrean jartzeko epea amaiturik, eta erreklamazio berean inolako erreklamaziorik aurkeztu ez denez, erabaki hori behin betiko bihurtu da, Toki Araubidearen Oinarriak arautzen dituen apirilaren 2ko 7/1985 Legearen 49.c) artikuluan eta Toki Ogasunak arautzen dituen uztailaren 19ko 41/1989 Foru Arauaren 16.3 artikuluan xedatutakoarekin bat etorritik.

Toki Araubidearen Oinarriak arautzen dituen Legearen 70.2 artikuluan eta aipatutako foru-arauaren 16.4 artikuluan aurreikusitakoa betez, osorik argitaratzen da arau berriaren testua, eta argitaratu ondoren jarriko da indarrean.

Erabaki honen aurka administrazioarekiko auzi-errekurtsoa aurkeztu ahal izango da Vitoria-Gasteizko Administrazioarekiko Auzietako Auzitegi Nagusiko Administrazioarekiko Auzietako Salan, 2 hilabeteko epean, iragarki hau argitaratu eta biharamunetik kontatzen hasita, Administrazioarekiko Auzien Jurisdikzioari buruzko uztailaren 13ko 29/1998 Legearen 46. artikuluekin bat etorritik.

Nolanahi ere, egoki iritzitako beste edozein errekurtsio aurkez dezake.

UDAL JABARIAREN ERABILERA PRIBATIBO EDO PROBETXAMENDU BEREZIAGATIK ORDAINDU BEHARREKO TASAK ARAUTZEN DITUEN ORDENANTZA

I. Xedapen Orokorrak

1. artikulua. Udal honek, lurralde historiko honen toki ogasunak arautzen dituen foru arauari jarraiki, Eranskinean zehazten diren tasak ezarri eta exijitzen ditu udal jabari publikoaren erabilera pribatiboagatik edo probetxamendu bereziagatik. Ordenantza honetan adierazten diren arauen arabera ezarri eta exijitzen dira tasa horiek eta haren barruan geratzen dira jasota.

2. artikulua. Ordenantza hau Peñacerrada-Urizaharreko Udalaren lurralde eremu osoan aplikatuko da.

II. Zergagaia

3. artikulua. Udal jabari publikoaren erabilera pribatiboak edo haren probetxamendu bereziak eratzen du zergagaia.

III. Subjektu Pasiboa

4. artikulua

1. Honako hauek izango dira, zergadun bezala, subjektu pasiboak: pertsona fisikoak zein juridikoak, eta Arabako Zergen Foru Arau Orokorrak 35. artikulua 3. atalean aipatzen dituen entitateak, baldin eta beren onura partikularerako gozatu, erabili edo aprobetxatzen badute modu berezian udal jabari publikoa.

2. Espaloietan egokitutako ibilgailu sarrerek modu pribatiboan erabiltzeagatik edo haien probetxamendu bereziagatik ezartzen diren tasetan eta, oro bat, sarrera horiek eraiki, mantendu, aldatu edo kentzekoetan, zergadunaren ordezkotzat hartuko dira ibilgailuen sarrera horiei sarbi-dea ematen dieten finka eta lokalen jabeak. Horiek, hala dagokienean, onuradun desberdinei jasalarazi ahal izango dizkiete kuotak.

3. Estatua, autonomia elkarrekin eta entitate lokalak ez daude behartuta tasak ordaintzera herri jabariaren erabilera pribatibo edo probetxamendu bereziarengatik, zuzenean ustiatzen dituzten komunikazio zerbitzu publikoen probetxamenduetan eta, bereziki, herritarren segurtasunarekin edo defentsa nazionalarekin zer ikusia duten guztietan.

5. artikulua. Tasen ordainketa lizentziak beren izenean jasotzen dituztenek egingo dute, eta horien ezean, probetxamenduaren onuradun direnek.

IV. Salbuespenak, Murrizpenak eta Hobariak

6. artikulua. Salbuespenak edo bestelako onura fiskalak aplikagarri diren xedapen orokorretan ezarritakoaren arabera emango dira.

V. Zerga Oinarria

7. artikulua. Zerga oinarria udal jabari publikoaren erabilera pribatiboa edo probetxamendu berezia gauzatzen den unitate bakoitzak osatzen du, eranskinean jasotakoaren arabera.

VI. Kuota

8. artikulua

1. Zerga kuota tarifa bat, espreski erabakitako kopuru finko bat edo, bestela, bi prozedurak batera erabiliz finkatuko da, Eranskinean ezarritakoaren arabera.

2. Erabilera pribatibo edo probetxamendu bereziak udal jabari publikoa suntsitu edo hondatzen duenean, onuradunak, behar den tasari aurre egiteaz gainera, osorik itzuli beharko ditu berreraikuntza edo konponketa gastuen kostuak, eta haren zenbatekoa alde aurretik ordaindu.

Kalteak konponezinak badira, udalak kalteordain bat jasoko du. Suntsitutako ondasunen parako balioa izango du, edo bestela, kaltetutako ondasunen zenbatekoarena.

Udalak ezingo ditu barkatu, ez osorik ez zati batean, apartatu honetan aipatzen diren kalteordainak edo diru-itzulketak.

VII. Sortzapena eta Zergaldia

9. artikulua

1. Udal jabari publikoaren erabilera pribatibo edo probetxamendu bereziagatik exijitzen den tasa hurrengo uneetan sortuko da zerga-oinarriaren izaeraren arabera: erabilera pribatiboa edo probetxamendu berezia hasten denean, eta orduan zenbateko osoa edo haren zati bat aurrez ordaintzea exijitu daiteke; edota, bestela, jarduketari edo espedienteari hasiera ematen dion eskaera aurkezten denean, jarduketa ez da egingo edo espedienteak ez da izapidetuko dagokion ordainketa egiten ez bada.

2. Tasaren izaera materialak sortzapena aldizkakoa izatea exijitzen duenean, sortzapen hori urte bakoitzeko urtarilaren 1ean gertatuko da eta zergaldiak urte naturala hartuko du. Erabilera pribatiboa edo probetxamendu berezia hasi edo uzten denean, ordea, zergaldia zirkunstantzia horretara egokituko da, eta kuotan dagokion hainbanaketa egingo da Eranskinean ezarritakoari jarraituz.

3. Jabari publikoa erabili edo aprobetxatzeko eskubidea burutu edo gauzatu gabe geratzen bada subjektu pasiboarekin zer ikusirik ez duten arrazoiengatik, dagokion zenbatekoa itzuliko zaio.

VIII. Likidazioa eta Ordainketa

10. artikulua. Udalak kontzeptu bakoitzaren likidazioa egingo du, eta likidaturiko kopurua eskudirutan ordainduko da eranskinak exakzio bakoitzerako ezartzen dituen arau partikularrei jarraituz.

IX. Tasen kudeaketa

11. artikulua. Ordenantza honetan arautzen diren tasak likidatu, bildu eta ikuskatzeari dagokion guztian, eta, halaber, zerga urrapenak kalifikatu eta kasu bakoitzean dagozkien zigorrak ezartzerakoan, Arabako Zergen Foru Arau Orokorrean jasotakoa aplikatuko da.

Amaierako Xedapena

Udal jabariaren erabilera pribatibo edo probetxamendu bereziagatik ordaindu beharreko tasa arautzen duen ordenantza hau, eta bere eranskina ALHAOn argitaratu eta hurrengo egunean jarriko da indarrean, eta indarrean jarraituko du berariazko aldaketa edo indargabetzea erabaki arte.

Eranskina

A) epigrafea. Udal bide publikoetako lurzorua, hegalkinaren eta zorupearen erabilera pribatiboa edo probetxamendu berezia.

Udal bide publikoetako lurzorian, zorupean edo hegalkinean sortutako erabilera pribatibo edo probetxamendu bereziengatik tasa, auzotar guztiei edo zati handi bati eragiten dieten hornidura-zerbitzuak ustiatzen dituzten enpresen aldekoa denean, enpresa horiek udal eremuan urtero egiten duten fakturazioagatik lortzen dituzten sarrera gordinen 100eko 1,5.

Hornidura-zerbitzuak ustiatzen dituzten enpresatzat hartzen dira gas-, elektrizitate-, telefono- eta antzeko hornidura-zerbitzuak emateko jabari publikoa erabiltzen dutenak, bai eta zuntz optikoko sistemen, kable bidezko telebistaren edo beste edozein teknikaren bidez barne-komunikazioko sareak ustiatzen dituzten enpresak ere. Enpresa horien alde probetxamendu bereziko lizentziak eman direnean edo probetxamendu horren onuradun direnean, dagokion baimenik gabe jardunez gero.

Tarifa hau aplikatzeko arauak:

Hornidurak ustiatzen dituzten enpresekin horretarako formalizatutako hitzarmenetan xedatutakoa beteko da.

Hitzarmenik ez badago, enpresa hornitzaileak udalerriko kontsumo gordinen fakturazioa bidaliko du hiru hilean behin.

Peñacerrada-Urizaharrea, 2023ko abenduaren 5ean

Alkatea

JUAN JOSÉ BETOLAZA PINEDO